

影印

文淵閣四庫全書

第一〇九四冊

北京出版集團公司
北京出版社

本册目次

傳家

清獻

集集

宋宋

司馬光撰……

趙抃撰……七三九

欽定四庫全書

集部
傳家集卷一至三

詳校官庶吉士_臣李如筠
檢討臣何思鈞覆勘

總校官庶吉士_臣倉聖脈
校對官監丞_臣張魯炳
謄錄監生_臣陳燦

欽定四庫全書

集部三

傳家集

別集類二宋

提要

欽定四庫全書

傳家集
提要

臣等謹案傳家集八十卷宋司馬光撰凡賦一卷詩十四卷禱文五十七卷題跋疑孟史刻共一卷迺書一卷壺格策問樂詞共一卷誌三卷碑行狀墓表哀辭共一卷祭文一卷光大儒名臣固不以文重然即以文論亦所謂辭有體要者邵伯溫聞見錄記王安石推其大類西漢不誣也伯溫又稱光除知制誥自言不善為四六神宗許其用古文體今按集中制詔亦有儼體者但語自質實不以駢麗為工耳邵博聞見後錄謂光辭樞密副使疏傳家集不載博獨記之熙寧中光嘗論西夏事其疏亦不傳惟畧見于元城語錄中又論張載私謚一書載張子全書之首稱其真

述在楊時家本集不載則亦頗有散佚矣光
所作疑孟今載集中元白斑湛淵靜語謂為
王安石而發攷孟子之表章為經實自王安
石始或意見相激務與相反亦事理之所有
疑斑必有所受之亦可存以備一說也乾隆
四十四年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

詩家集
提要

二

欽定四庫全書

傳家集卷一

宋 司馬光 撰

古賦

交趾獻奇獸賦

嘉祐三年八月
二十七日

皇帝御天下三十有六載化洽於人德通於神通無不
協遠無不臻粵有交趾來獻麒麟其為狀也熊頸而鳥
喙蹄首而牛身犀則無角象而有鱗其力甚武其心則
馴蓋遐方異氣之產故圖謀靡得而詢於是降輶車之
使發旁縣之民除塗於林嶺之隘引舟於江淮之濱曠
時月而涉萬里然後得入覲于中宸與夫雕題卉服之
士南金象齒之珍款紫闥而奎入充彤庭而並陳於是
羣公卿士百僚庶尹儼然垂紳薦笏旅進而稱曰陛下
功冠邃古化侔儀極恭承神祇嚴奉宗稷純孝烝烝小
心翼翼出入起居不忘於訓典進退周旋必咨於軌則
體文王之卑服遵大禹之菲食宮室觀臺無簪刻之華
輿馬器用無珠玉之飾遊必備於法駕燕不廢於朝夕

欽定四庫全書

傳家集
卷一

二

此皆帝王所不能為而陛下行之尚不忘於怵惕是以方內又寧黎民滋殖垂髫之童耳皆習於詩禮戴白之叟目不睹夫金草至於根著浮流跋行喙息無不翔舞太和涵濡茂澤此殊俗所以響臻靈獸所以來格雖漢室之初黑鵲貢於絕徼周家之隆白雉通於重譯殆不足方也臣等謂宜命協律播之聲歌詔太史編之簡策以發揮不世之鴻休張大無倫之不績不亦偉乎皇帝乃穆然深思愀然不怡曰吾聞古聖人之治天下也正

欽定四庫全書

傳家集
卷一

三

心以為本修身以為基閨門睦而四海率服朝眾和而羣生悅隨故務其近不務其遠急其大不急其微今邦雖康未能復漢唐之宇俗雖阜未能追堯舜之時况物尚疵癘而民猶怨咨朕何敢以未治而忘亂未安而忘危享四方之獻當三靈之釐且是獸也生嶺嶠之外出沮澤之湄得其來吾德不為之大縱其去吾德不為之虧柰何貪其琛寶之美悅其鱗介之奇容其欺紿之語聽其諂諛之辭以惑遠近之望以為蠻夷之嗤不若以

迎獸之勞為迎士之用養獸之費為養賢之資使功烈烜赫聲明歲稔廢耳目一日之玩為子孫萬世之規豈不美歟於是羣臣拜手稽首咸曰此盛德之事臣等愚慙所不及陛下誠有意於此臣等敢不同心竭力對揚而行之皇帝於是御棧樸之篇觀大畜之繇延黃髮之儒顯巖穴之秀善有可旌無間於幽遠言有可采不棄於微陋位匪德而不升官無能而不授使稷契居左皋夔立右伊呂在前周召侍後相與講經藝之淵源覽皇王之步驟求大化之所未孚訪惠澤之所未究興民之利若癘夫饑渴除民之害若憂夫疾疫賜子簡而功無所遺刑罰清而姦無所漏浮費省而物不屈於求須苛役蠲而農不妨於耘耨使之夏有葛而冬有裘居有倉而行有糗絲續之饒足以養其老甘脆之餘足以慈其幼地不加廣而百姓足賦不加多而縣官富道塗之人恥爭而喜讓閭閻之俗棄瀉而歸厚戶知禮義之方人享期頤之壽然後旃裘之長頓顙而聳服祝髮之渠回

欽定四庫全書

傳家集
卷一

三

而而奔走靡不投利兵而襲冠帶焚僭服而請印綬於是三光澄清萬靈敷佑風雨時若百稼豐茂休氣充塞殊祥輻輳甘露霖於林薄醴泉騰沸於嵌甯華莖羅植於堦庑朱草叢生於庭雷鳳凰長離駢枝而結巢黃龍騶虞羣友而為畜由是觀之則彼裔夷之凡禽瘴海之怪獸皮不足以備車甲肉不足以登俎豆夫又何足以耗水衡之芻而汚百里之園者哉

稷下賦

欽定四庫全書

傳家集
卷一

四

齊王樂五帝之遐風嘉三王之茂烈致千里之奇士總百家之偉說於是築鉅館臨康衢盛處士之遊壯學者之居美矣哉高門橫閤夏屋長檐鐔壘明潔几杖清嚴爾乃雜佩華纓淨冠素履端居危坐規行矩止相與奮髯橫議投袂高談下論孔墨上述義炎樹同拔異辨是分非榮譽樵株為之翁蔚訾毀理美化為瑕玼譬若蘭芷蒿莎布護於雲夢之洲鴻鵠鵠鼓舞於渤澥之涯於是齊王沛然來遊欣然自喜謂稷下之富盡海內之

美慨乎有自得之志矣祭酒荀卿進而稱曰吾王聞仁義之塗殖詩書之林安人之慮廣致治之意深然而諸侯未服四鄰交侵士有行役之怨民有愁痛之音意者臣等道術之淺薄未足以稱王之用心故也王曰先生之責寡人深矣願卒聞之對曰臣聞之玃珠亂玉魚目間珠泥沙漲者其泉恩莠莠茂者其穀蕪網者棄網而失叙行者多歧而喪塗今是非一槩邪正同區異端角進大道羈孤何以齊蹤於夏商繼軫於唐虞誠能撥去

欽定四庫全書

傳家集
卷一

五

浮末敦明本初修先王之典禮踐大聖之規模德被品物威加海隅忠正修列讒邪放踈行其言不必飽其腹用其道不必煖其膚使臣飯梁鬻肥而餐驕君之祿不若荷鉏秉耒而為堯舜之徒惜夫美食華衣高堂閒室鳳藻鵠義豹文麋質誦無用之言費難得之日民未治不與其憂國將危不知其失臣竊以大王為徒慕養賢之名而未覩用賢之實也已

靈物賦

元豐元年六月
二十七日作

有物於此制之則留縱之則去卷之則小舒之則鉅守
之有主用之有度習之有常養之有素譽之不喜毀之
不怒誘之不遷脅之不懼吾不知其何物聊志之於茲
賦

欽定四庫全書

傳家集
卷一

六

傳家集卷一

欽定四庫全書

傳家集卷二

宋 司馬光 撰

古詩一

贈邵興宗

窮達有常分得喪難豫言古今浩茫茫倚伏安可原軒
裳彼自榮舉俗同崩奔錙銖校重輕冰火殊涼溫君子
固無愧立身明本根度矩苟不愆寵辱徒喧喧有如清
濟流橫貫長河渾景公馬千駟南面雄東藩陶青劉舍

欽定四庫全書

傳家集
卷二

徒位為丞相尊當時非不顯磨滅何足論顏回在陋巷
藜藿甘盤飧原憲結弊衣蓬蒿塞其門當時豈不窮至
今榮名存況君齒方壯德業素所敷安知搢翅歸不作
凌雲翻要之白首期壯烈施元元為君畫善策灑掃清
前軒長舒四五榻客來輒開樽群愁喜伺人稍醒必煩
寃拒之亦無佗體中常昏昏

邵興宗南園草盛不翦僕過而愛之為詩以贈

君家在何許遠與南城鄰車馬不甚繁門前無俗塵有

園廢鉏治繞舍皆荆榛入夏益滋蔓髮髻高没人豈無
舊桃李蕪雜與之均謂言彼草木於我奚踈親於間置
取舍豈得完天真不若任其然同受雨露仁物性且不
違人心何縑繡閉戶不迎客箕踞無冠巾苟忘軒冕心
何異巢居民

送文慧師歸眉山 應符

至人心如雲去住唯所適飄飄涉四海豈復校喧寂竭
來王城遊紅塵暖晨夕忽思還故峯不可留宿昔離合
皆自然於何寄驪威從茲坐林下白首傲泉石山鳥集
掌中巴猿侍瓶錫寺前煙蔓深何處求行跡

出都日塗中成

請告歸陝及之汾
陰省兄時所為

賤生習山野愚陋出於骨雖為冠帶拘性非樊籠物揚
鞭出都門曠若解微紉是時天風惡靈沼波蕩汨龍鬣
互騫騰鷗羣遠浮沒川原寢踈豁煙火稍蕭瑟草木雖
未榮春態先髮鬢桑稀林已斜柳弱條可屈蛛絲冒晴
陽鼠土壘新窟徐驅款段馬放轡不可吐與爾同道遥

欽定四庫全書

傳家集
卷二

二

紅塵免遂勃

重經車輞谷

昔年道經車輞谷直上七里鹽南坡今年行役復到此
方春流汗如飜波中塗太息坐盤石涕泗不覺雙滂沱
我生微尚在丘壑強若麋鹿嬰虞羅人踰三十只有老
後時過此知如何雲泉佳處須速去登山筋力行蹉跎
送崔尉 堯封 之官巢縣

欽定四庫全書

傳家集
卷二

三

弱歲家淮南常愛風土美悠然送君行思逐高秋起巢
湖映微寒照眼正清泚低昂蹙荷發明滅紫葢葦銀花
繪肥魚玉粒炊香米居人自豐樂不與佗鄉比況得良
吏來倍復蒙嘉祉君為太學生氣格已英偉登科如拾
遺舉步歎千里毋嫌位尚微觀政此為始尊公久場屋
上國困泥滓豈不重相離念子勉為理當令佳譽新燈
熒滿人耳高堂雖在遠聞之足為喜何必羞三牲然後
稱甘旨

酬宋次道初登朝呈同舍

林葩積浮脆煙霧矜春姿山桂結芳堅冰霰橫秋枝夫
君名卿嗣華實雙歲疑如何仕不偶通籍鬢生絲豈非
秋桂類不足煩嗟咨我今三十餘汨沒無佗奇正恐食
浮人敢言位猶卑同登天子廷自視誠非宜清朝正求
治諫路方坦夷太平可立致此任非君誰

奉同范景仁守次道太常致齋韓廷評維見過

關人不時內韓去乃知為詩謝之

端居太常署寒日淡孤清取酒呼諸友談笑方縱橫韓

欽定四庫全書

傅家集
卷二

四

君士林秀四海依高名家襲鍾鼎貴身無簪組縈逍遙
風塵外萬物秋毫輕未嘗妄過人所過以為榮如何枉
玉趾及門失相迎主人豈傲客事有迷悞并追延既不
及相視徒嗟驚威鳳顧脩梧不下還孤征景星歟呈彩
旋有流雲生靈物固難覩俗眼真不明投謝有何物珉
石從雙瓊

送守哲歸廬山

哲公金陵來神韻自孤秀京華三十春高節愈幽茂烜

赫公卿門道俗日奔走自非趣尚合一息不相就慷慨
賢豪士波溢千金富蔬飯苟有餘秋毫未嘗受黜歟不
可變堅白如瓊琇居然尚愁寂終厭塵土臭忽思香爐
雲蒼蔚冠孤岫振衣尋昔遊煙霞宛如舊絡水藤蔓長
攬石松根瘦瀑泉響夜壑乳管添春竇茅茨陰方大宴
坐度清晝几席雨奇花階除馴猛獸方知物外樂回視
人寰陋慎勿露聲光愚迷將輻湊

清明後二日同鄰幾景仁次道中道興宗元明

欽定四庫全書

傅家集
卷二

五

東國如晦公踈飲趙道士東軒以日暮天無
雲春風扇微和為韻得和字

寂寥清明後餘春已無多閑軒富佳致不惜載酒過水
木晚尤秀風煙晴更和臨樽不盡醉柰此芳菲何

晉康陳生庸家世以孝悌聞有異木連理生其

庭郡欲旌表其門不果王禹玉為之求詩於

朝之士大夫以紀之

靈珠蟠泥沙積水不能掩賢人畜美德久矣自標檢陳

生世同財百口共豐儉遠居嶺海間天質非陶染邦人慕其行闢辦日衰減祥木并殊柯童童植軒檻或欲揭其門令人識儀範愚公私不然外獎由內歎已能孝悌著然致神靈感何必賜牛酒然後明褒貶況茲詩詠末瑣瑣事鉛槧才薄不敢辭適能為汙點

送邵興宗之丹陽

赤日裂后土萬家如烘爐君行何事役似為貧所驅埃塵稍去眼雲景日蕭疎扁舟乘長風倏忽變三吳六年羈旅倦一旦誰掃除慎勿忘回首浩蕩江山娛

欽定四庫全書

傳家集卷二

六

瘦盆

瘦盆生以醜自鬻突兀當軒聳羣目海龜闔怒腹幹張老蛟蟄蟄鱗鬚禿昔時仙客浮孤槎波痕清朽成凹窪蜀都買卜置之去爾來流落嚴遵家誰逢好事得寶蓄裁供盥濯真可辱況為飲具承歡娛未必蟠根勝珠玉不若剝為太古尊滿斟明水羞百神出桴箒薦薦忠信坐使風俗還深淳

送張兵部中庸字元常知遂州

劍嶺橫天古棧微相如重駕傳車歸雙親倚門望已久千騎踏雪行如飛人間富貴非不有似君榮耀真亦稀聞道西州遺畫像使我涕淚空沾衣先人知小溪縣正板藉均賦役聞邑人至今誦之畫像猶存

同舍會飲金明沼上書事

日華駘蕩金明春波光淨綠生魚鱗煙深草青遊人少道路苦無車馬塵石渠諸君職事簡載酒擷花畏花晚

欽定四庫全書

傳家集卷二

七

浮舟逐勝任所之箕踞狂歌叩舷板眼花耳熱氣愈豪擲杯擊案聲嗷嗷驚沙颯颯繞洲渚魚龍遷去避我曹人生大料無百歲貴賤賢愚同一致在家穀菽餘幾何一日風光不宜棄

新遷書齋頗為清曠偶書呈全董二秀才并示

姪良富

長夏暑候濁雲火高嶺岼豈徒肌骨煩木卷川流乾新居得南齋楹檻稍虛寬森羅對草樹曉暮清陰寒汎掃

布几簞氣體粗可安圖書雖非多亦足備覽觀聖賢述
事業細大無不完高出萬古表遠窮四海端於中苟得
趣自可忘寢餐況今有道世穀祿正可干勗哉二三子
及時張羽翰力學致顯位拖玉簪華冠毋為玩博弈趣
取一笑歡壯年不再來急景如流丸

奉同何濟川迎吏未至秋暑方劇呈同舍

穉金避老火暑勢尤驕盈朱光爍厚地萬葉焦無聲夫
子久倦遊得郡為親榮東裝待騶吏歸期殊未成埃沙
欽定四庫全書
塞廣陌蓬藿擁前楹出處兩不愜孤坐心煩縈何時驚
颺來掃蕩天地清郊墟草樹疎千騎從雙旌飄飄若神
仙早蓋西南征離羣詎幾時豈不懷友生有意肯相過
不妨巾屨并官舍稍虛涼愧無殺酒迎

晚食菊羹

朝來趨府庭飲啄厭腥羶況臨敲扑喧憤憤成中煩歸
來褫冠帶杖屨行東園菊畦濯新雨綠秀何其繁平時
苦目疴滋味性所便采擷授厨人烹淪調甘酸毋令薑

桂多失彼真味完貯之鄱陽甌薦以白木盤鋪啜有餘
味芬馥逾秋蘭神明頓颯爽毛髮皆蕭然迺知愜口腹
不必矜肥鮮嘗聞南陽山有菊環清泉居人飲其流孫
息皆華顛嗟子素荒浪強為簪緌牽何當茸弊廬脫略
區中緣南陽句嘉種蒔彼數畝田抱甕親灌溉爛漫供
晨餐浩然養恬漠庶足延頽年

和吳冲卿崇文宿直睹壁上題名見寄并寄邵

不疑

冲卿詩序僕與不疑三人同登進士同
自太學官入校集賢書又嘗同直一室

欽定四庫全書

傳家集
卷二

今不疑謫南方僕佐東平冲卿
因宿直觀壁上題名為詩代書

白袍昔紛紛相與會東堂帝梧碧蕭瑟翔集皆鸞鳳伊
子素空疎濫吹翰墨場不為羣僞遺出處聯簪裳爾來
凡六閏轉轂飛炎涼同歌太學下共醉金馬旁脩竹壓
牕寒天桃倚戶芳金盤剖盧橘玉壺分蔗漿驚呼局上
急嘲笑杯間狂神情一契會形迹兩俱忘歡餘嘆薄宦
離合何能常濡毫紀歲時揮霍素壁光去秋隨相車沿
牒來東方域中未徧辭不疑逐南荒奔波走郊外取別

何蒼黃舉觴未及盡亟歸還束裝行行到官下日積簿
領忙文書擁筆端胥吏森如牆況當三伏深霑汗尤淋
浪細蠅繞眉睫驅赫不可攘潄潄頭目昏始覺冠帶妨
誠知才智微吏治非所長懼貽知己羞敢不益自強因
思甌閩遠南走侵溟漲炎蒸異中縣從古無雪霜終朝
坐茅屋鹽茗征行商謹譁費口舌解囊收毫芒不疑性
高介此困安可當山川幾千里問訊誰能將冲卿居京
邑青雲正騰驤寓直紫臺上風露澄東廂清夜不成寐
欽定四庫全書

傅家集
卷二

昔別贈宗復古張景淳

昔別如飛蓬飄蕩隨所適那知十六載卮酒對今夕渺
然思舊遊間不容一息百年詎幾何會合難屢得復古

素愷悌志行重金錫皎如百鍊精不為燥濕易景淳氣
高逸浩蕩誰與敵下筆驚雷霆龍蛇走屋壁居然器業
美但有富貴逼佗時縮金印羈束愈愁寂須窮今日懼
快意浮大白勿辭簪弁傾頽然倒樽席

初見白髮慨然感懷

萬物壯必老性理之自然我年垂四十安得無華顛所
悲道業寡汨沒無佗賢深懼歲月頽宿心空棄捐視此
足自倣拔之廼違天留為鑑中銘晨夕思乾乾

欽定四庫全書

傅家集
卷二

謝胡文學九齡惠水牛圖二卷

牛生天地間益物用最大其功配坤元彖爻參衆卦血
毛類上帝貽靈景福介宗廟及賓客百禮無不在引耒
刺中田粒食烝民賴服箱走四方竭力任重載昔聞戴
史筆圖寫窮纖芥胡君繼其妙差肩立異代公卿仰名
聲一觀不可勻如何散賤者遽有雙圖賚所嗟性顯愚
雅不曉佳畫有如歌九韶鍾鼓樂聲賸得之乃虛器無
異居大蔡神物恐化去立召風雨怪雙圖雖卷還重貺

敢不拜

王書記以近詩三篇相示各撫其意以詩賡之

感遇

白鵲出江渚刷羽何鮮新志陵青霞端欲飲天漢津清
飈未我與陂澤聊逡巡偶為虞羅獲遠趣無由伸樊籠
厭局促野性那能馴庭除數驚顧慘慘常畏人皓素不
入俗衆目誰為珍稻粱不充腹日與鷄鶩鄰舉頭畏太
高俛啄空愁辛蕭蕭斂六翮憔悴傷精神男兒五十不
欽定四庫全書

傅家集
卷二

三

投梅聖俞

聖俞精為詩堅重比白玉至寶識之希未必諧衆目應
辰仰高風跂聳自西蜀平生未相識歎歎不自足薄遊
困京師旅食止脫粟得官當入秦行李未結束先求聖

俞門執贄請所欲九衢季冬月風沙正慘黯羸馬憚遠

行毛鬣寒瑟縮旅拒不肯前一步九刺感飢童袖擁口

手足盡戰瘃論詩久未出竊罵怨滿腹歸來面揚揚氣

若飮梁肉累累數十字踈淡不滿幅自謂獲至珍呼兒

謹藏蓄長安十五驛重複間川陸置詩懷袖間勸憑輒

披讀高吟桑野闊目瞑即投宿自可忘羈愁行瞻灞陵

曲

呈范景仁

欽定四庫全書

傅家集
卷二

三

劍山中斷融為川清江雙流鬱迴旋溝塍阡陌粲如繡
香秔紫芋皆良田地靈物秀氣淑美由來衮衮生英賢
朝家文明所及遠於今臺閣尤蟬聯獵纓鳴佩走聲望
出入金馬如雲煙奈何應辰獨墮坎華髮未得離賓筵
璵璠懸黎已為寶結綠豈得偏棄捐願君彈冠自重惜
邑人行誦子虛篇

酬胡侍講先生

疏字見寄

后王命天官考績弊群吏屬曹省閱閱專職米鹽事賤

生偶承乏竊祿聊自庇才力困不逮慘慘日憂惴賴依
僚友賢剝裂沛餘地自知雖寄名不足繫軒輊先生喜
誘掖貽詩極褒賁誰云歲杪寒面熱汗沾漬清非不悅子
道篤鈍力難致常恐負吹噓終為重言累

同張聖民過楊之美聽琵琶女奴彈啄木曲觀
諸公所贈歌明日投此為謝

坐曹據案心目疲出門上馬行何之闕然久不見之美
率意共往初無期正逢攬轡欲有適為我却解連環羈

欽定四庫全書

傅家集
卷二

十四

閒軒適足容數客夏木初繁有佳色呼兒取次具杯盤
青眼相逢喜無極檀槽錦帶小青娥妙質何須誇綺羅
按絃運撥驚四座當今老手誰能過彈為幽鳥啄寒木
園林颯颯風雨和啄長爪短躍更上丁丁取蠹何其多
曲終拂羽忽飛去不覺酒盡朱顏酡已聞啄木曲又觀
啄木歌雄文更復值絕藝有如天際傾長河今朝壯觀
誠極樂去此將柰寂寞何歸來解帶豁胃腹坐踞胡牀
仰看屋從今三日不洗耳耳內泠泠有殘曲人間何物

號富貴紆紫懷金盡虛器如君自處真得策身外百愁
都擲置太學餐錢月幾何客來取酒同醒醉

晚歸書室呈錢君倚

薄領日沈迷事役等胥靡得歸無所為未免閱書史一
種勞精神曾中異憂喜人生無苦樂適意即為美廼知
抱關人不必羨青紫

偶成

於陵薄三公桔槔親灌園伯成輕南面執耒耕丘樊淵

欽定四庫全書

傅家集
卷二

十五

明恥為令乞食倚人門賢人樂遂志榮辱安足言鄙哉
夸毗子結駟乘朱軒

同錢君倚過梅聖俞

王畿天下樞薄領日填積自非奉朝請九衢未嘗識今
茲到東城胥靡變逃役近指聖俞居安能不往觀一室
靜蕭然昏碑帖古壁叩階讀新詩迷闇得指擿笑言殊
未足黯然日將夕呼馬涉歸塗燈火已歷歷又知幾何
時更有重來迹

梅聖俞惠詩復以二章為謝

我得聖俞詩於身亦何有名字託文編佗年知不朽
我得聖俞詩於家果何如留為子孫寶勝有千年珠

和錢君倚藤牀十二韻

嗟予仕京府謀祿非謀身豈徒勞百骸消鑠侵天真所
畏曠官誅敢辭從事勤朝訊獄中囚暮省案前文雖有
八尺牀初無偃息痕比歸雙解帶日沒軒窗昏援枕未
及就撲面愁飛蚊未能習律令何暇閱皇墳夫君天才
秀明穎排糾紛右曹況清簡剝裂奚足云未遇且堅卧
逢時將致君行當起經濟膏沐醒吾人

旬慮十七韻呈同舍

府官無旬休慮問廼遊息詔書禁從詣還舍始朝食緩
帶對藜羹下筋免促迫門前吏卒散却掃謝來客北軒
有藤牀今晨始拂拭蓬髮亂宜梳霜髭閒可摘開囊曠
藥物發笥出書冊蒟畦親灌浸茶器自消滌於時孟秋
末天晴色紺碧林葉雖未零風聲已淅瀝神明還九藏

欽定四庫全書

傳家集
卷二

十六

清氣襲百脉征夫解甲胄疲馬脫羈勒蜚鳥開樊籠跳
魚出鼎鬲形骸盡我有不復為物役雖非久安逸幸得
少頃適訟庭止敲扑咫尺異喧寂明朝不能然顧盼愁
月夕

夜坐

春陽氣未勝重為陰所乘泠泠積雨闕慘慘餘寒增流
雲鬱不開烈風尚憑陵夜闌閉戶牖青暈生昏燈僮僕
悉已眠書几久歇凭涉獵閱舊聞雙使心魂澄有如行

欽定四庫全書

傳家集
卷二

十七

役歸丘園恍重登又如遠別離邂逅逢友朋嗟官遊
子何異魚入罾奪其性所樂強以所不能人生本不勞
苦被外物繩坐愁清旦出文墨來相仍吏徒紛四集僕
僕如秋蠅煩中劇沸鼎入骨真可憎安得揮六翮適意
高飛騰

倚

二月中旬慮問過景靈宮門始見花卉呈錢君
賤生忝府僚勉強踰半歲終非性所好出入意如醉訟

庭敲扑喧衆草絕生意不知有青春倏忽已改燧周章
連日忙爛漫數宵睡軒窗發飛舉風雨頗恣睢謂言芳
菲物狼藉應掃地今晨呼馬出歷獄問囚繫窈窕清宮
深倉琅朱門閉廣殿肅層陰虛庭藹佳氣長楊委嫩綠
老柏淨新翠薜荔垂宛延奇石立巖巖豁然愁憤開精
神四面至事役難少留馬去尚回睇亦足慰無聊年華
不都棄

和始平公夢中有懷歸之念作詩始得兩句而

欽定四庫全書

傅家集
卷二

六

寤因足成一章

元宰撫洪鈞四海可熏灼至人養天真視此猶嬰縛出
入金鼓威寤寐琴樽樂廼知伊吕心未始忘丘壑

和江鄰幾六月十一日省宿書事

長夏金正伏火意尤驕盈夫子寓官舍無術逃煩蒸軒
窗豁四開滅去壁上燈紵衣不可親羽扇安能勝濯泉
泉已溫撫簟簟可憎萬葉悄無風但有飛蚊鳴六府燥
不濡喉舌煙塵生攝衣起徐步四顧天正晴雲漠淺欲

涸筭畢徒縱橫忽思終南巔秀出秦雲青上有長松林
蔽日深杳冥下有萬仞壑含蓄太古冰安得躡輕屐杖
策緣崢嶸挂冠芙蓉闕結屋高崖稜回視萬鍾祿影撇
如飛蠅

和張仲通學士苦暑思長安幕中望終南秋雪

呈江鄰幾

秋雲覆秦川小雨野未濕誰言終南頂已有霰雪集返

景開新晴屏願照都邑初疑江津闊遠浪橫風急又疑

欽定四庫全書

傅家集
卷二

九

龍蛻骨逶迤委原隰詞客登高樓四望清興入當時應
百篇遺散不復拾今茲宦帝城大暑困鬱悒紅塵滿九
衢出入冠帶襲家居賓旅來俯僂煩拜揖回思幕中趣
引領安可及江翁養文采正如玄豹蟄君往犯其嚴騰
起誰敢繫嗟予素恒怯旁睨毛髮立強復綴此章庶幾
勇可習

和張仲通追賦陪資政侍郎吳公臨虛亭燕集

寄呈陝府祖擇之學士

吾家陝之北陝事吾能說孤亭占城隅形勝最殊絕雲
消天宇空極目鳥飛滅大河西北來洶湧地脉裂萬里
卷流沙長驅走溟碣羣山勢離合披靡隨曲折林薄帶
村墟郊原如繡纈祠宮望神禹閒田指虞芮高丘想巫
咸空巖懷傳說聖賢迹已遠縹渺見風烈吳公昔為守
治行瑩冰雪君從豐鎬來華館息塵轍主人喜佳客置
酒升巖嶠清歡浩無涯燭至樽未撤誰知捧手辭遽有
幽明訣至今猶墮淚遺愛滿耆耄擇之新下車條教悉
欽定四庫全書

傳家集
卷二

五

次韻和吳冲卿秋意四首

端居倦煩暑園圃久不窺雨餘秋氣新紅葉生紫梨形
骸得蕭散不知環堵卑何能效流俗把酒須菊枝登高
已可醉四野青雲垂
縱棹下清溪波靜地仍偏日夕水風涼蕭灑成安眠兀
兀但高枕悠悠還進船中流忽驚寤漁父歌扣舷山川
非鄉時回首雲霞邊
弱植生川澤託根北堂後昔時青春姿扶疎映軒牖風
霜日消落憔悴復何有蠹穿枯節斷雨漬虛心朽幸不
天天年猶得勝凡柳
和邵不疑校理蒲州十詩
飲亭亭有流盃渠
飛蓋名僚集臨流芳宴開縈紆漱文石次第傳清盃迴
波亦多意并泛落花來

傳家集
卷二

五

涌泉石

樞密學士蔣公知府事得片石大如席
上有數十竅莫知所施公問石工對曰
此蓋涌泉石也乃於飲亭下鑿地為埕置石
其上夏日從旁激水灌之雖高數尺以清暑

氣

秋興篇嘆賞幾絕倒